

МНР-т болсн газр догдллгъна ашиг чикллгън

УЛАН-БАТОР, декабрин 13. (ТАСС). Монъгълин олн-ämtн декабрин 4-д газр догдллгънла харгъсн учрар, газадин олн зүсн орн-нутгудас Монъгълин Олн-ämtнә Республикин правительствин нерн деер, зовлнъ хувацгч сунъгъгуд ирэд бәәнә.

Советск Союзин правительствин нерн деерәс СССР-н газадин керг-тöрин министр А. А. Громыко Монъгълин Олн-ämtнә Республикин правительствд ик гидгәр сана зовдж, зовлнъ хувацджахан күргдж кель.

Монъгълин олн-ämtнл дөнъ күргхд Красн Крестин Советск Обществ 250 минъгън тугрик гаргъдж өгснә тускар сонъсхгдджана.

Газр догдллгън болснасиштә Монъгълин правительствд әрүн зүркәрн зовлнъ хувацджахан бас Китдин Олн-ämtнә Республикин, Индин, Корейск Олн-ämtнә Демократическ Республикин, Индонезин, нань чигн орн-нутгудин правительствс келдж медүлджәцхәнә.

Газр догдллгъна ашиг чикллгънә туск правительствин бачм комиссин эндр сонъсхсн сонъсхварар болхла, газр догдллгъна голнъ Монъгълин Алтад, Ик-Богд гидг уулд бәә-

дгдж, газр догдллгъна күчнъ 11 балл күрч.

Газр догдллгън Монъгълин газрар цугъарагъарнъ болдж.

Газр дор чичрлгън ода бийнъ бола бәәх учрар, уулс хамхрлгън болн нурлгън ода чигн болад бәәнә.

Ик-Богдин районд түрмшглә харгъсн улсд дөнъ өггдхд Улан-Баторас гражданск авиацин самолетс, ачлгъна болн гиигн автомобилс илгәгдв, эмчнрин цергләчнр, эм болн хот-хол күрггдв. Тер района зәрм әмтн бәәх пунктсд түрүн дөнъ боллгъна пунктс секгдв. Зә-зәнъг угагъар геедрдж од улсиг хәәвр кегдджәнә. Хамхрсн тосхлтсиг хәрү босхлгъар болн худгуд шинәс малтлгъар көдлмш делгрүлдж кегдджәнә. Школмудин болн больницин көдлмш хәрү эклхин аргънъ хәәгдджәнә.